





京本校正註釋唐柳先生集卷之三十四

書

與大學諸生喜詣闕留陽城同業書貞元十四年九月

二十六日集賢殿正字柳宗元敬致尺牘大學諸生足下始朝

延用諫議大夫陽公為司業諸生陶煦醇懿熙然大洽于茲四

祀而已詔書出為道州僕時通籍光範門按漢書志通籍者為二尺竹牒記其年紀

名字物色懸之宮門就職書府聞之悒然不喜悒乙及切非特

為諸生戚戚也乃僕亦失其師表而莫有所矜式焉既而署吏

有傳致詔草者僕得觀之蓋主上知陽公其孰嘉美顯寵勤至

備厚乃知欲煩陽公宣風裔土覃布美化于黎獻也遂寬然少

喜如獲慰薦于天子休命然而退自感悼幸生明聖不諱之代

不能布露所蓄論列大體聞于下執事冀少見採取而還陽公

之南也翌日退自書府就車于司馬門外聞之於抱關掌管者

道諸生愛慕陽公之德教不忍其去頓首西闕下懇悃至願乞

留如故者百數十人輒用撫手喜甚震扑不寧不意古道復形

于今僕嘗讀李元禮綈叔夜傳李膺傳觀其言太學生徒仰闕赴

訴者僕謂訖千百年不可覩聞乃今日聞而觀之誠諸生見賜

甚盛於戲音烏希滿云與鳴呼同義始僕少時嘗有意遊大學受師說以植

志持身焉當時說者咸曰太學生聚為朋曹侮老慢賢有墮窳

黷業而利口食者墮徒果切窳以主切有崇飾惡言而肆闢訟者有凌傲

城自誘漢大夫

遷國子司業

其詳約以言

罪吏得之呼家

帝怒去刺道

何何著書

因清道公以此

書免之

守闕下

法正石上



長上而誅罵有司者

詳蘇內息辭二切罵也

其退然自克特殊於衆人者

無幾耳僕聞之恟駭但悻

陶虛勇虛容二切悻當割切悻其季切

良痛其遊聖人之門而衆爲是嗜嗜也

潘云嗜徒合切詩海沓背僧釋文各作嗜注尊也嗜嗜相對談語背則相憎

遂退託鄉閭家塾考厲志業過大學之門而不敢踞顧

尚何能仰視其學徒者哉今乃奮志厲義出乎千百年之表何聞

見之乖刺歟刺盧達切疾也豈說者過也將亦時異人異無嚮時之桀

害者耶其無乃陽公之漸漬導訓明效所致乎夫如是服聖人

遺教居天子太學可無愧矣於戲陽公有博厚恢弘之德能容

善僞一本能字下有并字來者不拒曩聞有狂惑小生依託門下貞元十四年太

學生薛約言事得罪謫連州陽城送之或乃飛文陳愚醜行無

賴而論者以爲言謂陽公過於納汙無人師之道是大不然仲

尼吾黨狂捐南郭獻議荀子法行篇南郭惠子問於子貢曰夫子之門何其雜也曾參徒七

十二人致禍負芻孟軻館齊從者竊屨孟出孟出彼一聖兩賢人繼

爲大儒然猶不免如之何其拒人也俞扁之門不拒病夫扁婢典切

俞附扁謂古之良醫繩墨之側不拒枉材師儒之席不拒曲士理固然也

且陽公之在于朝四方聞風仰而尊之貪冒苟進邪薄之夫庶

得少沮其志不遂其惡雖微師尹之位而人實具瞻焉與其宜

風一方羣化一州其功之遠近又可量哉諸生之言冰獨爲已

也於國體實甚宜願諸生勿得私之想復再上故少佐筆端耳

最此良志俾爲史者有以紀述也努力多賀勞奴古切也柳宗元白



答韋中立論師道書

二十一日宗元白辱書云欲相師僕道不篤業甚淺近環顧其

中未見可師者雖嘗好言論為文章甚不自是也不意吾子自

京師來變夷間乃幸見取僕自卜固無取假令有取亦不敢為

人師為眾人師且不敢況敢為吾子師乎孟子稱人之患在好

為人師由魏晉氏以下人益不事師今之世不聞有師有軌譁

笑之以為狂人獨韓愈奮不顧流俗犯笑侮收召後學作師說

抗顏而為師世果群怪聚罵指目牽引而增與為言詞一作本

愈以是得狂名居長安炊不暇孰又挈挈而東如是者數矣

數色角切類也屈子賦曰邑大群吠吠所怪也屈原楚詞懷沙篇云屈其切切僕往聞

庸蜀之南恒暵少日出則大吠子以為過言前六七年僕來

南二年冬幸大雪踰嶺被南越中數州數州之大皆蒼黃吠噬

狂走者累日至無雪乃已然後始信前所聞者今韓愈既自以

為蜀之日而吾子又欲使吾為越之雪不以病乎非獨見病亦

以病吾子然雪與日豈有過哉顧吠者犬耳度今天下不吠者

幾人而誰敢銜怪於群目以召闢取怒乎僕自謫過以來益少

志慮居南中九年增脚氣病漸不喜闢豈可使奴噉者交切早

暮涕吾耳騷吾心則固僵僵音姜什富赴俞三音構古對反愈不可過

矣平居望外遭齒舌不少獨欠為人師耳抑又聞之古者重冠

禮將以責成人之道是聖人所充用心者也數百年來人不復

此為怨意也

年之反意也

忘直今有見

筆：中間皆

作折以故為

改意也怨也

謝名

史所

意引作恠怨

至而三行如此

意自是目字

一世

四馬得已而鳴有

冬烘先生說

此段是子厚言

言委不如此行

至此如文至結

上不得不表也



行近者孫昌胤者獨發廣行之既成禮明日造朝至外廷薦笏

言於卿士曰某子冠畢應之者咸無然無音武京兆尹鄭叔則

怫然佛符曳笏却立曰何預我耶廷中皆大笑天下不以非鄭

尹而快孫子何哉獨為所不為也今之命師者大類此吾子行

厚而辭深凡所作皆恢恢然有古人形貌雖僕敢為師亦何所

增加也假而以僕年先吾子聞道著書之日不後誠欲往來言

所聞則僕固願悉陳中所得者吾子苟自擇之取某事去某事

則可矣若定是非以教吾子僕材不足而又畏前非陳者其為

不敢也決矣吾子前所欲見吾文既悉以陳之非以耀明于子

聊欲以觀子氣色誠好惡何如也今書來言者皆大過吾子誠

非佞譽誣諛之徒直見愛甚故然耳始吾幼且少為文章以辭

為工及長乃知文者以明道是固不苟為炳炳烺烺一作焯烺

明焯烺火貌務采色夸聲音而以為能也凡吾所陳皆自謂近道而

不知道之果近乎遠乎吾子好道而可吾文或者其於道不遠

矣故吾每為文章未嘗敢以輕心掉之掉徒懼其剽而不留也

剽剽匹未嘗敢以怠心易之懼其弛而不嚴也未嘗敢以昏氣出

之懼其昧沒而雜也未嘗敢以矜氣作之懼其僣蹇而驕也抑

之欲其奧揚之欲其明踈之欲其通廉之欲其節激而發之欲

其清固而存之欲其重此吾所以羽翼天道也本之書以求其

質本之詩以求其柄本之禮以求其宜本之春秋以求其斷本

之義

忽又作命  
又志字詩  
三行日堂  
世人知

道文中抽出

四未志敢大  
對又五志

公柳文世四



上三信通于日  
信德結便至  
道

之必以求其動也吾所以取道之原也參之穀梁氏以厲其氣  
參之孟荀以暢其支參之莊老以肆其端參之國語以博其趣  
而以為之文也凡若此者果是耶非耶有取乎抑其無取乎吾  
子幸觀焉擇焉有餘以告焉苟亟來以廣是道子亦有得焉則  
我得矣又何以師云爾哉取其實而去其名無招越蜀吠怪而  
為外廷所笑則幸矣宗元復白一本元復字

答貢士元公瑾論仕進書

二十八日宗元白前時所枉文章諷讀累日辱致來簡受賜無  
量竊竊觀足下所以殷勤其文旨者豈非深寡和之憤和胡時切宋王

柳文世四

五

云其曲彌高其和彌寡積無徒之歎慳不能已赴訴於僕乎如僕尚何為  
者哉且士之求售於有司或以文進或以行達者稱之不患無  
成足下之文左馮翊崔公先唱之矣秉筆之徒由是增敬足下  
之行汝南周穎客又先唱之矣逢掖之列亦以加慕逢藩本作逢掖之衣逢猶大也大袂裨衣也夫如是致隆隆之譽不又矣  
又何戚焉古之道上延乎下下倍乎上上下下洽通而薦能之功  
行焉故天子得宜為天子諸侯得宜為諸侯者薦  
之於王大夫得宜為大夫者薦之於君士得宜為士者薦之於  
有司薦於天堯舜是也薦於王周公之徒是也薦於君鮑叔牙  
子罕子皮是也薦於有司而專其美者則僕未之聞也是誠難



矣古猶難之而况今乎獨不得與足下偕生中古之間進相授也退相拯也已乃出乎今世雖王林國韓長孺復生說苑衛靈公有士曰

王林國有賢人必進而仕之無不達也不能達退而與分其祿前漢韓安國字長儒所推舉皆廉士賢於已者不能為

足下抗手而進以取僂笑矧僕之齷齪者哉潘云齷乙角切齷則角切小節也史

記作擗齷注急促之貌若將致僕於奔走先後之地而役使之

前漢作擗躓注局陋也後胡豆切則勉充雅素不敢告憊論拜切嗚呼始僕之志學也其

自專大頗慕古之大有為者汨沒至今自視缺然知其不盈素

望久矣上之不能交誠明達德行延孔子之光燭于後來次之

未能勵材能興功力致大康于民垂不滅之聲退乃俛俛於下

列張音振又丑咄咄於未位咄也且日涉二切偃仰驕矜道人短長不

亦冒先聖之誅乎固吾不得已耳樹勢使然也穀梁子曰心志

既通而名譽不聞友之過也出穀梁傳昭公九年蓋舉知揚善聖人不非

况足下有文行唱之者有其人矣繼其聲者吾敢闕焉其餘去

就之說則足下觀時而已不悉宗元白

答嚴厚輿論師道書

二十五日某白馮翊嚴生足下得生書言為師之說怪僕所作

師友箴與答韋中立書欲變僕不為師之志而屈已為弟子凡

僕所為二文其卒果不異僕之所避者名也所憂者其實也實

不可一日忘僕聊歌以為箴行且求中以益已慄慄不敢暇又

不敢自謂有可師乎人者耳若乃名者方為薄世笑罵僕脆怯



亦不足當也內不足為外不足當衆口雖艱艱見迫其若吾子

向實之要二文中皆是也吾子其詳讀之僕見解不出此吾子

所云仲尼之說豈易耶仲尼可學不可為也學之至斯則仲尼

矣未至而欲行仲尼之事若宋襄公好霸而敗國卒中矢而死

事出左傳信仲尼豈易言耶馬融鄭玄者二子獨章句師耳今

公二十三年世固不少章句師僕幸非其人吾子欲之其有樂而望吾子者

笑言道講古窮文辭以為師則固吾屬事僕才能勇敢不如韓

退之故又不為人師人之所見有同異吾子無以韓責我若曰

僕拒千百人又非也僕之所拒拒為師弟子名而不取當其禮

者也若言道講古窮文辭有來問我者吾豈嘗瞋目閉口邪柳文

柳文卅四

人切怒敬叔吾所信愛敬扶今不得見其人又不敢廢其言

一本無不字却言字下有哉字吾子文甚暢遠恢恢乎其闢大路將疾馳也攻

其車肥其馬良其策即策調其六轡中道之行大都捨是又奚

師歟亟謀於知道者而考諸古師不乏矣幸而亟來亟去終日

與吾子言不敢倦不敢愛不敢肆苟去其名全其實以其餘易

其不足亦可交以為師矣如此無世俗累而有益乎已古今未

有好道而避是者宗元白

報袁君陳秀才避師名書

秀才足下僕避師名久矣往在京師後學之士到僕門日或數

十人僕不敢虛其來意有長必出之有不至必甚之甚慄記切教也其



教也。鍾者是當時無師弟子之說其所不樂為者非以師為非  
弟子為罪也。也有兩事故不能自視以為不足為一也。世久無師  
弟子決為之且見非且見罪懼而不為二也。其大說具答韋中  
立書今以往可觀之。秀才貌甚堅辭甚強僕自始覲固奇秀才  
及見兩文愈益奇。雖在京都日數十人到門者誰出秀才右耶  
前已畢秀才可為成人僕之心固虛矣。又何鯁鵬互鄉於尺牘  
哉。一本何下更有辱字秋風益高著氣益衰可偶居幸談秀才時見容僕  
有諸內者不敢愛惜大都文以行為本在先誠其中其外者當  
先讀六經次論語孟軻書皆經言左氏國語莊周屈原之辭稍  
米取之。穀梁子太史公甚峻潔可以出入餘書。俟文成異日討

金柳文卅四

也。其歸在不出孔子此其古人賢士所慄慄者求孔子之道不  
於異書秀才志於道慎勿怪勿雜勿務速顯道苟成則勃然爾  
勃滿本作穀口角切與不同一本作立字久則蔚然爾。蔚音尉又紆勿切源而流者歲旱不  
涸蓄穀者不病凶年蓄珠王者不虞殍死矣。然則成而久者其  
術可見。雖孔子在為秀才計未必過此不具宗元白。

答韋珩示韓愈相推以文墨事書珩音

足下所封示退之書云欲推避僕以文墨事且以勵足下若退  
之之才過僕數人尚不宜推避於僕非其實可知。一本無可知字固相  
假借為之詞耳退之所敬者司馬遷揚雄遷於退之固相上下  
君權者如太玄法言及四愁賦。揚雄以為詞莫麗於相如作四賦謂甘泉阿東羽獵長揚賦後



如退之獨未作耳決作之加恢奇至他文過揚雄遠甚雄

文遣言措意文一本頗短奇滯澁不若退之猖狂恣睢肆意有

所作睢肆一本作肆寓潘云窓七容切又如字睢許維許章二切自得貌若然者使雄來尚不宜

推避而况僕耶彼好獎人善以為不屈已善不可獎故慊慊云

爾也一本無也字足下幸勿信之且足下志氣高好讀南北史書通

國朝事穿穴古今後來無能和胡卧切一本作加字而僕推駮卒無所為

但越趨文墨筆硯淺事越千容切起壬余切今退之不以吾子勵僕而反

以僕勵吾子愈非所宜然卒篇欲足下自挫抑合當世事以固

當雖僕亦知無出此吾子年甚少知己者如麻不患不顯患道

不立耳此僕以自勵亦以佐退之勵足下不宣宗元頓首再拜

答貢士廖有方論文書

柳文卷四

九

三日宗元白得秀才書知欲僕為序然吾為文非苟然易也於

秀才則吾不敢愛吾在京都時好以文寵後輩由吾文知名者

亦為不少焉自遭逐逐禁錮益為輕薄小兒謹囂群朋增飾無

狀當途人率謂僕垢污重厚舉將去而遠之今不自料而序秀

才秀才無乃未得嚮時之益而受後事之累去聲吾是以懼絜然

盛服而與負塗者處而又何賴焉然觀秀才勤懇意甚久遠不

為頃刻私利欲以就文雅則吾曷敢以讓當為秀才言之然而

無顯出於今之世視不為流俗所扇動者乃以示之既無以累

秀才亦不增僕之詬罵也計無宜於此若果能是則吾之荒言

吾兄以僕已倦  
過又書上卷  
左傳中  
卷五十五  
卷五十六  
卷五十七  
卷五十八  
卷五十九  
卷六十



出矣賤元白

答貢士蕭纂求為師書

求為一本作欲相字

十二日宗元白始者負戴經籍退跡草廬塊守蒙陋坐自擁塞不意足下曲見記意遠辱書訊貺以高文開其知思並去聲而又

超僕以宗師之位貸僕以丘山之號流汗伏地不知逃匿幸過厚也前時獲足下灌鍾城銘竊用唱導於聞人僕常服然羞其

踰今覽足下尺牘放勤備厚似欲僕贊譽者此固所願也祥

視所貺曠然以喜是何旨趣之博大詞采之蔚然乎鼓行於秀造之列此其戈矛矣舉以見投為賜甚大俯用計度不自謂宜顧視何德而克堪哉且又教以耘其蕪穢甚非所宜僕不敢聞

也其他唯命宗元白

今折文非四

十

○ 報崔黯秀才書

黯潛本作翦

崔生足下辱書及文章辭意良高所嚮慕不凡近誠有意乎聖人之言然聖人之言期以明道學者務求諸道而遺其辭辭之傳於世者必由於書道假辭而明辭假書而傳要之道而已耳道之及及乎物而已耳斯取道之內者也今世因貴辭而矜書粉澤以為工適蜜以為能不亦外乎吾子之所言道匪辭而書其所望於僕亦匪辭而書是不亦去及物之道愈以遠乎僕嘗學聖人之道身雖窮志求之不已庶幾可以語於古恨與吾子不同州部閉口無所發明觀吾子文章自秀士可通聖人之

字在解字法  
家：孫兄弟  
人皆稱進士第  
點至陳冰  
大夫見在  
傳曰註謂寧  
子甚深誠  
後示林言碑言  
為江州刺史  
附錄此文



人吾子求於道也外而望於子也愈外是其可惜歟吾且不

言是負吾子數千里不弃朽廢者之意故復云爾也凡人好辭

工書者皆病癖也癖音辟 癩病也吾不幸蚤得二病學道以來日思破

鍼攻熨破悲兼彼驗二切以石刺病也 鍼諸深切與針濁熨紂勿切火熨也卒不能去纏結心腑

牢甚願斯須忘之而不克竊嘗自毒今吾子乃始欽欽思易吾

病不亦惑乎斯固有潜塊積瘕中子之內藏瘕音選女病也 玉切又病也 腹中病也 中丁仲切藏才浪切恬而不悟可憐哉其卒與我何異均之二

病書字益下而子之意又益下則子之病又益篤甚矣子癖於

伎也吾嘗見病心腹人有思嚼土炭嚼從監切 與取同嗜酸鹹者不得

則大戚其親愛之者不忍其戚因探而與之觀吾子之意亦已

厥矣吾雖來得親愛吾子然亦重來意之勤有不忍矣誠欲分

吾土炭酸鹹吾不敢愛但遠言其證不可也俟回乃悉陳吾狀

未相見且試求良醫為方已之苟能已大善則及物之道專而

易通若積結既定醫無所能已幸期相見時吾決分子其嚼嗜

者不具宗元白

答吳秀才謝示新文書

某白向得秀才書及文章類前時所辱遠甚多賀多賀秀才志

為文章又在族父處族父想謂吳武陵或曰子蚤夜孜孜何畏 厚自謂其族父柳公綽耳

不日日新又日新也雖間不奉對苟文益日新則若亟見矣夫

觀文章宜若懸衡然增之銖兩則俯反是則仰無可私者秀才



誠欲令吾俯乎則莫若增重其文今觀秀才所增益者不啻錙兩吾固伏膺而俯矣愈重則吾俯茲甚秀才其想焉苟增而不已則吾首懼至地耳又何聞踈之患乎還答不悉宗元白

復杜溫夫書

二十五日宗元白兩月來三辱生書書皆逾千言意者相望僕

以不對答引譽者然僕誠過也而生與吾文又十卷噫亦多矣

文多而書頻吾不對答而引譽宜可自反而來徵不肯相見

首作曰 丞拜丞問其得終無辭乎凡生十卷之文吾已略觀之矣

吾往駭滯多所去甚論安敢懸斷是且非耶書恆吾必曰周孔

恆與恆同一本下疊周孔子 安可當也語人必於其倫生以直躬見恆宜無

所諛道一本無道字而不幸乃曰周孔吾豈得無駭怪且疑生悖亂

淳誕無所取幅尺以故愈不對答來柳州見一刺史即周孔之

今而去我道連而謁於潮之二邦又得二周孔去之京師京師

顯人爲文詞立聲名以千數又宜得周孔千百何吾生胸中擾

擾焉多周孔哉吾雖少爲文不能自雕斲引筆行墨快意累累

偷迫意盡便止亦何所師法立言狀物未嘗求過人亦不能明

辨生之才致但見生周助字不當律令唯以此奉答所謂乎歎

耶哉夫者疑辭也矣耳焉也者決辭也今生則一之宜考前聞

人所使用與吾言類且異慎思之則一益也庚桑子言蠶蠋鵠

卵者吾取焉蠋音蜀豆籠中大青蟲也鵠胡沃切莊道連



而謂於潮其卒可化乎然世之求知音者一遇其人或為十數  
文即務往京師急日月犯風雨走謁門戶以冀苟得今生年非  
甚少而自荆來柳自柳將道連而謁於潮途遠而深矣則其志  
果有異乎又狀貌凝然類丈夫巖魚力切視端形直心無岐徑其質  
氣誠可也獨要謹充之爾謹充之則非吾獨能生勿怨一本生字下有  
宜亟之二邦以取法時思吾言非固拒生者孟子曰余不肖之  
教誨也者是亦教誨而已矣宗元白

上門下李夷簡相公書

日月使持節柳州諸軍事守柳州刺史柳宗元謹獻書于相公

閣下謹字下一本宗元聞有行三塗之艱而墜千仞之下者左傳

昭公四年注三塗在河南陸渾縣南仰望於道號以求出過之者日千百人皆去

而不顧就令哀而顧之者不過攀木俯首深矐太息矐煩寶良二音

久而去耳其卒無可奈何然其人猶望而不止也俄而有若鳥

獲者持長綆千尋綆古杏切汲井繩也徐而過焉其力足為也其器足施

也號之而不顧顧而曰不能力則其人知必死於大壑矣何也

是時不可遇而幸遇焉而又不逮乎已然後知命之窮勢之極

其卒呼憤自斃斃音弊不復望於上矣宗元曩者齒少心銳徑行高

步不知道之艱以陷乎大阨窮躓殞墜廢為孤囚日號而望者

十四年矣其不顧而去與顧而深矐者俱不之焉然猶仰首俾

吭張目而視吭抗剛也音咽也曰庶幾乎其有異俗之心非常之力當

夷簡字易之元  
柳宗元相書  
昭公四年注三塗  
在河南陸渾縣南  
仰望於道號以求  
出過之者日千百  
人皆去而不顧就  
令哀而顧之者不  
過攀木俯首深矐  
太息久而去耳其  
卒無可奈何然其  
人猶望而不止也  
俄而有若鳥獲者  
持長綆千尋徐而  
過焉其力足為也  
其器足施也號之  
而不顧顧而曰不  
能力則其人知必  
死於大壑矣何也  
是時不可遇而幸  
遇焉而又不逮乎  
已然後知命之窮  
勢之極其卒呼憤  
自斃不復望於上  
矣宗元曩者齒少  
心銳徑行高步不  
知道之艱以陷乎  
大阨窮躓殞墜廢  
為孤囚日號而望  
者十四年矣其不  
顧而去與顧而深  
矐者俱不之焉然  
猶仰首俾吭張目  
而視曰庶幾乎其  
有異俗之心非常  
之力當



拉雜  
紀元

路而垂仁者耶令閣下以仁義正直入居相位宗元竇竊拊心  
自慶以為獲其所望故敢致其詞以聲其哀若又捨而不顧則  
知沉埋踣斃無復振矣踣 踏 踏 踏  
之自以閣下之明其知之久矣繁言蔓詞祇益為黷伏惟念墜  
者之至窮錫焉獲之餘力舒干尋之綆垂千仞之艱致其不可  
遇之遇以卒成其幸庶號而望者得畢其誠無使呼憤自斃沒  
有餘恨則士之死於門下者宜無先焉生之通塞決在此舉無  
任戰汗墮越之至不宣宗元惶恐再拜

柳文卅四

八十四

京本校正註釋唐柳先生文集卷之三十四



校正註釋唐柳先生文集卷之三十五

啓

上廣州趙宗儒尚書啓一本啓上更  
有陳情字

某啓某夭罰深重餘息苟存元和元年子厚母  
盧氏卒于永州沉竄竅罪朝不

圖夕伏謁無路不任荒恋之誠伏念宗元初授御史之日尚書

與杜司空杜黃裳先賜臨顧光耀里閭下情至今尚增惶惕頃以

黨與進退投竄零陵囚繫所迫不得歸奉松檟哀荒窮毒入理

所極親故遺志音望况於他人朝夕之急饘粥難繼饘諸延切  
亦作饘宗

祀所重不敢死亡偷視累息已逾數月伏以尚書德量弘納義

風遠揚收撫之恩始於枯朽敢以餘喘上累深仁伏惟惻然見

哀使得存濟懷懷荒懇懇音婁恭謹  
貌一曰勤也叩顙南望竊以動心於無

情之地施惠於不報之人古烈尚難况在今日而率然干冒決

不自疑者蓋以聞風之日又嚮德之誠至振高義於流俗之外

合大度於古入之中獨有望於閣下而已非敢以尋常祈向之

禮當大賢匍匐之仁匍音扶又音蒲匍音伏又蒲墨  
切詩云凡民有喪匍匐救之夙夜忖度

果於自卜方在困辱不敢多言伏紙惶恐不勝戰越謹啓

上西川武元衡相公謝撫問啓

某啓某愚陋狂簡不知周防失於夷途陷在大罪伏匿嶺下于

今七年追念往愆寒心飛魄幸蒙在宥得自循省豈敢徹聞於

廊廟之上見志於樽俎之際以求心於萬一者哉相公以含弘

同於紀述云劉  
柳先生文集卷之三十五  
好見吳景



子集對以招生  
其意之流錄用  
這元衡死手賊  
而子集卷匪古  
東門行夢得  
老貼清共狂人  
怒乃如向之答  
放身修身意假  
努力歎身之天  
以天下士皆可居  
依書手

光大之德廣博淵泉之量不遺垢汚光賜榮示奉讀流涕以懼  
以悲屏營舞躍不敢寧處屏步丁切屏營恐懼貌是將收孟明於三敗左傳

秦孟明伐鄭晉敗孟明于般及三年孟明伐晉晉  
敗于彭衙坎年孟明伐晉清河焚舟晉師不出晉曹沫於一

舉沫莫具莫嗣二切史記曹沫為魯將與齊戰三敗北莊公十  
三年與齊相公盟子柯沫執七首切桓公公乃許盡歸魯之

地俾折脅臏脚之倫臏音批刑名前漢鄒陽上書司馬喜臏脚

應得自拂節以期效命於鞭策之下此誠大君子并容廣覽棄

瑕錄用之道也自顧孱鈍無以克堪祇受大賜豈任負戴精誠

之至炯然如日拜伏無路不勝惶惕輕冒威重戰汗交深

謝襄陽李夷簡尚書撫問啓

某啓當州負外司馬李幻清傳示尚書委曲特賜記憶過蒙存

問捧讀喜懼浪然涕流浪音首慶幸之深出自望外伏惟尚書鸚

立朝端風行天下入統邦憲出分主憂控此上游式是南服凡

海內奔走之士思欲修容於轅門之外躡履於油幢之前幢博

譬之涉蓬瀛登崑閬閬音浪海中三神山曰蓬萊方丈瀛州又

正西北名崑崙宮一不可得而進也某負罪淪伏聲銷跡滅固

世俗之所棄親交之所遺敢希大賢曲見存念是以展轉歛歔

晝詠宵興願為厮役以報恩遇瞻仰仰霄漢邈焉無由網羅未

解縱羽翼而何施囊檻方堅雖虎豹其焉往不任踊躍懇戀之

至謹奉啓起居輕贖威嚴倍增戰越

賀趙江陵宗儒辟符載啓



字未定抑為

魏人符載字

子

使使化劉開

時尤含帶恭

軍載為爛

替云行義則

固輔行乃通他

中及廟反

武在在卷中

此

此

此

此

此

此

此

此

此

此

此

此

此

此

此

此

此

此

此

其啓伏聞以武都符載為記室天下立志之士維然相顧繼以

歎息知為善者得其歸嚮流言者有所間執直道之所行義風

之所揚堂堂焉實在荆山之南矣幸甚幸甚夫以符君之藝術

志氣為時聞人才位未會盤桓固义中間因緣陷在危邦與時

偃仰不廢其道符載為韋臯支使時為劉闢真贊云行義則固

請罪高崇文以其贊有行而為見忌嫉者橫致唇吻房給事以

高節特立明之於朝王吏部以清議自任辨之於外然猶小人

浮議困在交戟前漢劉向傳註凡諸侯之欲得符君者城隍壞

接而惑於騰沸環視相讓莫敢先舉及受署之日則皆開口垂

臂帳望悼悔譬之求珠於海而徑寸先得則衆皆快然罷去知

音寶之有所歸也嗚呼巧言難明下流多謗一本作自非大君

子出世之氣則何望焉瞻望清風若在天外無任感激欣躍之

至輕瀆陳賀不勝戰越不宣

與邕州李域中丞論陸卓啓

某啓伏以至公之道施恩而不求報獎善而不為功所以振宣

幽光激勵頹俗誠大君子所蓄積也竊見故招討判官試右衛

曹參軍陸卓生稟清操長於吏理累仕所至必有休聲至一本

日有一再舉府曹績用茂著頃以狂賊李元慶劫留後擅樹

兇徒搆災翦禍期在旦夕一夫見刃莫為已用而卓以此時特

立不懼終翦強暴以寧師人既而不幸嬰疾物故不獲一日擢



筆以受其職有功未報有善未錄伏承閣下言論之餘每所嗟  
異優給家屬恩禮特殊行道之人皆所欽伏儻錄其事跡奏一  
贈官使懷憤之魂知感恩於地下秉志之士思受命於門庭足  
以勸獎三軍豈止光榮一族伏惟不棄狂瞽特賜裁量幸甚幸  
甚其與卓未嘗相識敢率愚直以期至公輕黷威嚴伏增戰悚  
謹啓

謝李中丞啓安撫崔簡

一本作謝李中丞  
安撫崔簡戚屬啓

某啓伏見四月六日敕刺史崔簡以前任賊罪決一百長流驩  
州伏奉去月二十三日牒崔簡家口牒州安存并借官宅什器  
差人與驅使伏惟中丞以直清去敗政以惻隱撫窮人罪跡暴

八初八九五

四

著則按之以至公家屬流離則施之以大惠各由其道咸適十  
中威懷並行仁義齊立繩愆糾繆列郡肅澄清之風匡困資無  
闔境知噢咻之德備云與乞六切又夾過切休音休又  
許主切左氏作煥休注齋念之聲凡在廵  
屬慶懼交深伏見崔簡兒女十人皆柳氏之出簡之所犯首未  
知之蓋以風毒所加漸成狂易音亦不知畏法坐自抵刑各爲賊  
隨卒無儲蓄得罪之日百口熬然叫號羸頓不知所赴儻非至  
仁厚德深加憫恤則流散轉死期在須臾某幸被縲囚久沐恩  
造至於骨肉又荷哀矜循念始終感懼無地謹勒祗承人沈澹  
奉啓陳謝下情輕瀆

上湖南李中丞啓

一本啓字上  
有不稟食字



其嘗讀列子書有言於鄭子陽者曰列禦寇蓋有道之士也居君之地而窮若不好士使之然乎子陽於是命輸粟於列子列子不受出列子說符篇固常高其志又讀孟子書言諸侯之於士曰使之窮於吾地則賙之賙之亦可受也又怪孟子以希聖之才命代而不出卓然自異以潔白其德取食於諸侯不以為非斷而言之則列子獨任之士唯已一毛之為憂故道以自免孟子兼濟之士唯利萬物之為謀故當而不辭今宗元處則無列子之道出則無孟子之謀窮則去讓而自求至則捧受而無慙斯固為貪凌苟冒人矣董生曰明明求財利唯恐困乏者庶人之事也董仲舒是皆詬耻之大者而無所避之何也以為

柳文卅五

五

士則黜辱為農則斥遠無伎不可以為工無貲不可以為商抱大罪處窮微古音以當惡歲而無糧食又不自列於閣下則非所以待君子之意也伏惟覽子陽孟子之說以垂德惠無使惶惶然控于他邦重為董生所笑則縲囚之幸大矣

上桂州李中丞薦盧遵啓

凡士之當顯寵貴劇則其受賜於人也無德心焉何也彼將曰吾勢能得之是其所出者大而其報也必細居窮厄困辱則感槩捧戴萬萬有加焉是其所出者小而其報也必巨審矣故凡明智之君子務其巨以遺其細則功業光乎當時聲名流乎無窮其所以激之於中者異也若宗元者可謂窮厄困辱者矣世



皆嘗去頹頹購野獨賴大君子以明智垂仁問訊如平生光耀

因銅若被文繡嗚呼世之知止足者鮮矣既受厚遇則又有不

已之求以黷閣下之嚴威然而亦欲出其感榮捧戴而效其巨

者伏惟閣下留意裁擇幸甚幸甚伏以外族積德儒厚以為家

風周濟之間兄弟三人咸為帝者師詳見前送廬遵序孝仁之譽高於

他門伯舅叔仲咸以孝德通于鬼神為文士所紀述相國彭城

公嘗號于天下名其孝以求其類則其後咸宜碩大光寵以充

神明之心今乃彫喪淪落莫有達者豈與善之道無可取耶老子

云其道無親以文墨達于政事今所以聞於閣下者無忤於心無愧於色焉

以宗元棄遂枯槁故不求遠任務顯名而又難乎其進也竊高

閣下之壘賢容衆故願委心焉則施澤於遵過於厚賜小人也

遠矣以今日之形勢而不廢其言使遵也有籍名於天官獲祿

食以奉養用成其志一舉而有知恩之士二焉可不謂務其巨

者乎伏惟試詳擇焉言而無實罪其敢逃一本罪字下有也字

進退恐懼不知所裁不宣謹啓逃字下有也字

進退恐懼不知所裁不宣謹啓

柳文世五

六

京本校正註釋唐柳先生集卷之三十五



本校正註釋唐柳先生集卷之三十六

啓

上權德輿補闕溫卷啓

時年十一一本啓字上有決進退字

補闕執事宗元聞之重遠輕邇賤視貴聽所由古矣切以宗元

幼不知耻少又躁進拜揖長者自于幼年是以蓬俊造之末跡

蓬初造初廁牒計之下列賈藝求售賈音闕無善價闕音必苦載文

筆而都儒林者匪親乃舊率皆携撫相示談笑見昵啞啞逡巡

為達者啞啞一角切啞於祈切無乃觀其樸者鄙其成狎其幼

者薄其長耶將行不拔異操不砥礪學不該廣文不炳耀實可

鄙而薄耶今鴛鴦充朝而獨干執事者特以顧下念舊收接儒

柳文廿八卷

乙

素異乎他人耳敢問厥由庶幾告之俾識去就幸甚幸甚今將

慷慨激昂奮攘布裝縱談作者之楚曼裾名卿之門抵掌義并

厚自潤澤進越無忍汗達者之視聽狂狷愚妄固不可為也復

欲俛默惕息疊足榻冀拜祈公侯之闕跪邀賢達之車竦魂魄

股兢恪危懼榮者倦之彌忿厥心又不可為也若慎守其常確

執厥中固其所矣則又色平氣柔言訥性魯無特達之節無推

擇之行瑣瑣碌碌一孺子耳孰謂其可進孰謂其可退抑又聞

之不鼓踴無以超沈塗不曲促無以由險艱不守常無以處明

分不執中無以越夷軌今則鼓踴乎曲促乎守其常而執厥中

乎浩不知其宜矣進退無倚宵不遑寐乃訪于故人而咨度之



其人曰補闕權君著名踰紀行爲人高言爲人信力學探文以

切時儕稱雄時一本子亟拜之足以發揚對曰袁燕石而後玄

圃宋人得燕石以爲室周容觀之笑曰此燕石也與瓦帶魚目

而游漲海文選盧諶詩序夜光報於魚目注夜光宝珠也魚目乱真珠也祗取謂耳曷予補乎

其人曰跡之勤者情必生焉心之恭者情必報焉况子之文不

善鄙薄者乎苟或歎以奉之恭以下之則必勗勵爾行輝耀爾

皆言爲建瓴建音譽瓴音零出前高祖紀晨發夕被聲馳而響溢風振而草

靡可使尺澤之鯁切多奮鱗而縱海密網之鳥舉羽而翔霄乎

之一名何足就矣庶爲終身之遇乎曷不舉馳聲之資挈成名

之基授之權君然後退行守常執中之道斯可也愚不敏以爲

信然是以有前日之拜又以為色取象恭大賢所歛朝造夕謁

大賢所倦性頗踈野竊又不能是以有今茲之問仰惟覽其鄙

心而去就之潔誠齋慮不勝至頌謹再拜

上大理崔大卿應制舉啓一本啓字上有不敏字

古之知己者不待來求而後施惠舉能而已其受德者不待成

身而後拜賜感知而已故不叩而掌不介而合則其舉必至而

其感亦甚斯道遁去遼闊千祀何爲乎今之世哉若宗元者智

不能經大務斷大事非有恢傑之才學不能探奧義窮章句爲

腐爛之儒雖或實力於文學勤勤懇懇于歲時然而未能極聖

人之規矩恢作者之聞見勞費翰墨徒爾拖逢掖曳大帶游於

忽不感愧



服由是有愧色豈有能乎哉閣下何見待之厚也始者自謂抱

無用之文戴不肖之容雖振身泥塵仰晞雲霄何由而能哉遂

類與

用收視內顧頰首絕望俯同其以沒沒也今者果不自意他日

瑣瑣之著述幸得流於衽席接在視聽閣下乃謂可以蹈遠大

之途及制作之門決然而不疑介然而獨德是何收採之特達

而顧念之勤備乎且閣下知其為人何如哉其貌之美陋質之

細大心之賢不肖閣下固未知也而一遇文字志在濟拔斯盡

古之知己者已故曰古之知己者不待來求而後施德者也然

則亟來而求者誠下科也宗元向以應博學宏詞之舉會閣下

辱臨考第司其升降當此之特意謂運合事并適丁厥時其私

心日以自負也無待閣下以鯢鱗之勢不容尺澤悠爾而自放

廓然而高邁其不我知者遂排逐而委之委之誠當也使古之

知己猶在豈若是求多乎哉夫仕進之路昔者竊聞于師矣太

上有專達之能乘時得君不由乎表著之列而取將相行其政

焉其次有文行之美積能累榮不由乎舉甲乙歷科第登乎表

著之列顯其名焉又其次則曰吾未嘗舉甲乙也未嘗歷科第

也彼朝廷之位吾何修而可以登之乎必求舉是科也然後得

而登之其下不能知其利又不能務其往則曰舉天下而好之

吾何為獨不然由是觀之有愛錐刀者以舉是科為悅者也有

爭彙常者以登乎朝廷為悅者也有慕權貴之位者以將相為



此有佳處

受德者一可

他處又我

自裕不多

言也

者也有樂行其政者以理天下為悅者也然則舉甲乙歷科  
第固為末而已矣得之不加榮喪之不加憂苟成其名於遠大  
者何補焉然而至於感知之道則細大一矣成敗亦一矣故曰  
其受德者不待成身而後拜賜然則華成其身者固末節也蓋  
不知來求之下者不足以收特達之士而不知成身之末者不  
足以承賢達之遇審矣伏以閣下德足以儀世才足以輔聖文  
足以當宗師之位學足以冠儒術之首誠為賢達之表也顧視  
下輩豈容易而收哉而宗元樸野昧劣進不知退不可以言乎  
德不能植志於義而必以文字求達不可以言乎才秉翰執簡  
敗北而歸不可以言乎文登場應對刺繆經旨刺力篇切平也不可以

東坡文北六

四

言乎學固非特達之器也付首陋質豈容易而承之哉叨冒大  
遇穢累高鑒喜懼交爭不克寧居竊感荀瑩如實出已之德音瑩  
瑩左傳成公三年荀瑩之在楚也鄭賈人有將實褚中以出既謀之未行而楚人歸之賈人如晉荀瑩善視之如實出已敢  
希豫讓國士遇我之報史記伏候門屏敢俟招納謹奉啓以代  
投刺之禮伏惟以知已之道終撫薦焉不宣宗元謹啓

上裴晉公度獻唐雅詩啓

宗元啓伏以周漢二宣中興之業歌於大雅載在史官然而申  
甫作輔方召專淮夷之功申伯甫侯方叔召虎魏邠謀篡幸趙致罕羗之  
績魏相邠古辛武賢趙充國潘云罕許旱切字當作罕并口堅切羗之別種文武所注中外莫同伏  
惟相公天授皇家聖賢克合謀叶德一以致太平入有申甫魏



之勤出兼方召辛趙之事東取淮右平吳元北服恒陽恒陽州

也謂成德節度使王承宗略不代出功無與讓故天下文士皆

願秉筆牘勤思慮以贊述洪烈闡揚大勳宗元雖敗辱斥逐守

在蠻裔猶欲振發枯槁決疏潢汗整效蚩鄙少佐豪髮謹撰平

淮夷雅二篇恐懼不敢進獻私願微聲聞于下執事庶有罪戾

以明其心出位僭言惶戰交積無任踴躍弄營之至不宣宗元

謹啓

上襄陽李僕射慙獻唐雅詩啓

宗元啓昔周宣中興得賢臣召虎師出江漢以平淮夷故其詩

曰江漢之許王命召虎許音虎召與祁同其卒章曰于周受命自召祖

命以明虎者召公之孫克承其先也今天子中興而得閔下亦

出江漢以平淮夷克承于先西平王李成封西平王愬之父也其事正類然

而未有嗣大雅之說以布天下以施後代豈聖唐之文雅獨後

於周室哉宗元身雖陷敗而其論著往往不為世屈意者殆不

可自薄自匿以墜斯時苟有輔萬分之一雖死無憾謹撰平淮

夷雅二篇齊沐上獻誠醜言淫聲不足以當金石庶繼代洪烈

裨官里人得採而歌之裨音蒲瀨切前漢志小說家者流蓋出於裨官流細米為裨街談巷說其細碎之言也

王者欲知閭巷風俗故立裨官使稱說之又國語云為里人所命次注里字也不勝憤踊之至輕瀆

威重戰越交深謹啓

上楊州李吉甫相公獻所著文啓



光啓始閣下爲尚書卽薦寵下輩士之顯於門閥者以十數  
而其尚幼不得與於斯役及閣下遭讒妬在外十餘年又不得  
效薄伎於前以希一字之褒貶公道之行也閣下乃始爲贊書  
訓辭擅文雅於朝以宗天下永貞元年李吉甫爲考功郎中知制誥十二月爲中書舍人翰林學  
士而某又以此時去表著之位受放逐之罰荐仍囚錮視日請  
命進退違背思欲一日伏在門下而不可得常恐抱斯志以沒  
卒無以知於門下冥冥長懷魂魄幽憤故敢及其能言貢書編  
文冒昧嚴威以畢其志伏惟觀覽焉幸甚幸甚閣下相天子致  
太平用之郊報則天神降地祇出用之經邦則百貨殖萬物成  
用之文教則經術興行用之武事則暴亂剪滅依倚而冒榮者  
盡去幽隱而懷道者畢出然後中分主憂以臨東諸侯而天下  
無患元和三年九月李吉甫罷爲淮南節度使盛德大業光明如此而又有周公接  
下之道斯宗元所以廢錮濱死而猶欲致其志焉閣下倘以一  
言而揚舉之則畢命荒裔固不恨矣謹以雜文十首上獻縲囚  
而干丞相大罪也寧爲有聞而死不爲無聞而生去就乖野不  
勝大懼謹啓

謝李吉甫相公示手札啓

宗元啓六月二十九日衡州刺史呂溫道過永州辱示相公手  
札省錄狂瞽收撫羈縲沐以含弘之仁忘其進越之罪感深益  
懼喜極增悲五情交戰不知所措宗元質性庸塞行能無取者



事年成於廢疾進德且之其馨香常願操筆醫門操倉刀切筆

切掬溜蘭室良辰不與夙志多違昨者踴躍殘魂奮揚蓄念激

以死灰之氣陳其弊箒之詞詞本作詳同箒正酉切曹子建書云家有弊箒享之千金致之

煙霄分絕流眄今則垂露在手清風入懷華袞濫褒於楮衣音楮

有前漢注犯龍門俯收於墀井潘云墀坎陷二音莊子藻鏡洞

開而秋毫在照文津傍暢而寒谷生輝化幽鬱之志若覲清明

換兢危之心如承撫薦非常之幸豈獨此生伏以淮海劇九天

之遙瀟湘叅百越之俗傾心積念長懸星漢之上流形委骨永

倫羈魅之群羈抽知切魅莫覩切韓文云居蠻夷之地與羈魅為群何以報恩唯當結草

執事傳魏無任喜懼感戀之至

柳文卅六

上江陵趙相公寄所著文啓趙宗儒

宗元啓宗元往者嘗侍坐於崔比部崔鵬字聞其言曰今之為

文莫有居趙司勳右者貞元年趙宗儒自翰林學士再任司勳負外郎自是恒欲飾其

所論著薦之閣下病其未就將進且退者殆十數焉幸以廢逐

伏匿獲伸其業類於向者若有可觀然又以罪惡顯大其死荒

野不能出其固陋以求知於閣下則固昧昧徒生於世矣謹獻

雜文十首倘還以數字定其是非使得存於世則雖生與戀夷

君魂與魍魅游所不辭也輕瀆威重伏增惶灼一本作戰惶謹啓

上巖東川寄劔門銘啓巖礪

宗元伏惟僕射以仁厚蓄生人以勇義平國難而劔門用兵之



事最為天下首取其險固為我要衝

元和元年曠以山斬其刺史文雅德因

王師得以由其門而入仿佯布獲

仿旁旁二音佯

逐無留滯是閣下之勲力宜著於萬祀而不已也

宗元負罪俟命晷刻觀望道里深遠不得悉聞當時之威聲然

而竊以累受顧念踴躍盛德恐沒身炎瘴卒無以少報於閣下

是以晝夜恟恟

平上二音恐也

不克自寧今身雖敗棄庶幾其文猶或

傳於世又焉知非因閣下之功烈所以為不朽之一端也敢默

默而已乎謹撰劔門銘一首惶恐獻上誠無以稱宏大之略亦

足以發平生之心不勝慚懼戰越之至

上江陵嚴司空獻所著文啓 嚴綬

柳文卅六

八

宗元啓伏念往歲司空由尚書郎出貳太原宗元獲於天長

也專用候謁伏蒙叙以世舊許造門闈自後司空累膺寵榮位

極公輔宗元得罪朝列竄身湘南霄漢益高泥塵永弃瞻仰遼

絕陳露無由司空統臨舊荆控制南服道路非遠德化所覃是

敢奮起幽淪仰希光耀伏惟憫伶孤賤特肆撫存則縲紲之辱

有望蠲除嗚吠之能猶希效用謹獻雜文七首伏惟以一字定

其褒貶終身之幸無以加焉上瀆威嚴伏增戰越

上嶺南鄭相公所著文啓 鄭絪

宗元啓伏見與當州韋使君書猥賜存問驚忤悼懼交動於中

循念竟日若無容措幸甚幸甚宗元素之智能復闕周慎一自



符罪八年于今兢愧弔影追咎既往自以終身沈廢無跡自贖  
不意相國垂愍特記名姓守突奧者忽仰睇於白日潘云奧於到切突一

叶切爾雅西南隅謂之奧東南隅謂之突郭璞云奧謂室中隱奧之處禮曰歸室聚突突亦隱奧負泥塗者遂

自濯於清源快心暢目不知所喻伏以聖人之道與其進也不

保其往故敢藻飾文字洗滌心神致之門下祇俟嚴命伏惟收

獎勵以成其終謹獻雜文三十六首冒昧上瀆無任踴躍惶

恐之至

上李中丞所著文啓 即湖南李中丞

宗元啓宗元無累能獨好為文章始用此以進終用此以退今  
者畏罪悔咎伏匿惴慄猶未能去之時特舉首長吟哀歌舒泄

幽鬱因取筆以書紉韋而編紉女切略成數卷伏念閣下以文章

昇大僚統方隅而宗元幸緣罪辜得與編人齒於部內不以此

時露其所為以希大君子顧視則為陋劣而自弃也敢飾近文

及在京師官命所草者凡三卷合四十三卷不敢繁故也倘或

以為有可采者當繕錄其餘以增凡席之污去就鄙野伏用兢

惶謹啓

上裴行立中丞撰訾家洲記啓 訾即移切又音紫

右伏奉勅分令撰訾家洲亭記伏以境之殊尤者必待才之絕

妙以極其詞今是亭之勝甲於天下而猥顧鄙陋使為之記伏

受嚴命不敢固讓退自揣度惕然汗流累奉游宴切觀物象涉



命推擢不得萬一竊伏詳忖進退若墜久稽篆刻則有違慢之辜速課空薄又見踈蕪之累憊期廢事尤所戰慄憊與慄同謹修撰訖上獻退自蹈躅音局不知所裁無任墮越惶恐之至

上河陽烏尚書重胤欲獻文啓一本作上河陽烏尚書啓

宗元啓伏以尚書以碩德偉才代著勲烈兩河定亂三城建功

烏重胤少為路州牙將盧從史奉詔討王承宗陰與城通元和五年重胤縛從史以獻憲宗嘉重胤力擢神河陽週陽有三成

或曰河陽三城節度使鼎彝竹帛未足云紀進臨汝上元和九年以重胤為汝州刺史充河

陽淮汝節度使控制東方隱然長城朝野倚賴宗元雖屏奔遐壤

而飽聞德聲所恨不獲親執鞭弭以備戎伍潘云弭音枚左氏其左執鞭弭註弭

弓未無夙夜踴躍不克寧若伏以威稜所加狂狡已震謂吳莫元濟

大之績重復增崇小子久以文字進身普好古人事業專當具

筆札拂縑緗音蕪贊揚大功垂之不朽瞻望霄漢亦慕交深冒

瀆威嚴伏增戰越



表

禮部為百官上尊號表

憲宗即位宗元尚為禮部員外郎  
作此表後元和三年憲宗方上尊號

臣某言伏以聖王之纂承天位也臣子必竭懇誠獻尊號安敢為佞禮在其中一則以告天地神祇二則以奉宗廟社稷三則以安華夏蠻貊魏上大禘其可廢乎臣等誠懼誠望頓首頓首伏惟皇帝陛下叶周又之孝德齊大禹之約身弘帝堯之法天過殷湯之解網未逾周月四海將致於時雍俯及元正率土更欣於再造然神人之願億兆之情有所不安率謂未盡善者以為帝德廣運而尊號猶闕郊廟備禮而祝嘏無辭般古雅切凡百統

柳文卅七

九

懷華夷屬望臣謹按昔皇陶之頌舜尹尹之頌湯皆臣子至公

面揚君父以敷於當代以播於無窮夫豈飾哉率由事實帝王

尊號蓋漸於此皇家光被四表祖宗列文時當太和尊號表德

耳目所接簡牘斯存稽之於前典則如彼考之於聖朝又如此

今龜筮習吉元正戒期當品物惟新之時乃皇王大禮之日陛

下郊天地饗宗祧他烟切陰陽協和動植交暢不建至尊之稱

妖証恐違列聖之心所以臣等冒死陳聞請上徽號伏惟陛下

小謙讓之節安延企之情特詔名禋禮官有寮庶尹詳明故實

議宗聖德則入望允厭神心獲安山川效靈光贊元疆之壽祝



言一本作信字

永彰不朽之功臣等蒙國寵榮備位班列無

艱望之至

### 第二表

臣其等言臣等再陳丹艱請獻鴻名天心未從隕越無措臣某

誠惶誠恐頓首頓首謹按堯曰咨爾舜舜曰格爾禹湯曰吾自

甚武自號曰武王出史記商如則堯舜禹湯皆當時王者之號也考

皇帝之故實徵往聖之憲章允協禮經煥乎圖牒伏惟皇帝陛

下允恭克讓約已謙尊參天兩地之功為而不有安上理人之

德置而不論至心王言非群下所仰望也然臣等伏以為尊號

者所以類上帝饗祖宗萬人所稱百蠻所仰表聖德於率土播

天聲於無疆臣下請之之謂禮帝王承之之謂孝孝大於讓禮

先於謙百王不刊之典安可得而祭也臣等又以春秋本於五

始元者一歲之首春者四時之首王者受命之首正月者政教

之首郊天大禮者立極之首今天地交泰俯臨元辰正始之美

正當其運陛下確違群願固守謙冲此臣等所以兢惕失圖惴

惴無措上冒嚴憲敢述厚責伏乞俯垂天聽察納微誠詔禮官

議臣所請揆日推禮虔奉鴻休盡敬於此猶恐天光未照三獻

無徵彷徨闕庭伏待斧鑕職日無任竄望之至

### 禮部賀冊尊號表

元和十四年作宗元附為柳州刺史當題云柳州賀冊尊號表



伏奉月日制陛下膺受尊號率土臣子慶抃無窮臣聞之

極之大四海無以報神功配天之尊萬物不能崇聖德唯有微

號是彰中興所以上探天心下極人欲謝伏惟元和聖文神武

法天應道皇帝陛下統承千載光被六幽蝨賊盡除福應皆集

有首有趾咸識太平勲臣增爵祿之榮戎士加賞延之寵片善

必錄微功盡昇獨惟聖謨事絕酬答萬國朕望童云朕古尤切又窺腫切百

工怨思是以啓元和之盛典延吳窮之景祚理歷疑命是曰聖

文和衆定功時惟神武運行有法天之用變化乃應道之方鬼

神協謀夷夏同志大禮既建鴻恩遂行歡呼遠市於九圍市即西字

豔麗音周於八裔參所禁切又所帛切慶超遂古美冠將來臣

獲守靈荒遠承大典潢汚比陋河清幸遂於千年鹿壤均微山

呼願同於萬歲無任慶賀屏營之至屏營切

為京兆府請復尊號表三首德宗時宗元為藍田尉作

臣某言某月日諸縣耆老某等若干人詣臣陳狀辭意迫切以

陛下尊號未復請詣闕上表者人心已鬱安可久違天意實勤

諒難固拒撫狀感悅深契微誠臣某誠懇誠迫頓首頓首伏惟

皇帝陛下聖神之功貫於天地文武之道超乎古今德宗建中元年聯臣

上尊號日聖文武皇帝與元年盛德愈大而謙光益深玄

化已成而徽號未復遂使神祇缺望人庶怨思沐浴鴻澤者敢

陳登刻之安捧戴皇恩者不知寢食之適負愧懷憤萬方一心



日日以冀遂淹星歲况今地不愛寶致百穀之豐穰天惟降

呈叢瑞而繁委汚萊瘠鹵之地混成大田潘云乘作來瘠秦邦切薄也鹵即古切鹹

鴻也草木蟲獸之微化為神貺萬靈垂鑒昭然甚明此而不從臣

所大惑矧又兵戎未戢夷狄咸懷昭然長春昭一本作煦樂以終日

是以耆老等深感聖育踴躍不寧上奉天恩踴躅踴躅音知懼音

頻頽闕下願復鴻名不謀而同無期而至此皆上玄幽贊以誘

其衷列聖垂靈以悟其意臣以為陛下當敬于斯旨不可忽也

臣又伏以陛下賞功與能舉賢出滯小言不廢片善是褒豈可

使臣子之效雖微而必旌君父之德蓋美而無稱凡在覆載一本

此下更有說不驚惶四字不勝懇倒恐懼之至一本恐懼謹封耆老等狀奉

表昧死陳請以聞謹言

第二表闕

第三表

臣某言臣伏以耆老等並發丹誠將貫白日請復徽號以光聖

謨臣以其懇款自中不可禁止遂抗表陳請備述微誠伏奉墨

詔批答未蒙允許者叢心尚阻天意未從懇道逾深兢惶無措

臣某伏惟皇帝陛下道大益謙化成彌損雖江海善下每應朝

宗之心老子云江海所以能為百谷王者以其善下之而日月居高又稱聚臨之位况

復上承天命下親人誠若然辭之理有不可伏以陛下功參造

化政體乾坤萬邦宅心百靈效職此聖之至也明並兩曜信如



四時先天不違窮神知化此神之極也道德純被禮樂興行宸

輿動於三光睿藻窮於六義此文之備也五兵不試周禮五兵

歸負固者率服此武之成也黃龍皓兔甘露慶雲神木嘉瓜祥

運瑞木萬物暢遂百穀茂滋此天之至靈也黎老班白伏守闕

庭鰥寡童幼發陵之切誦歌道路此人之至誠也有其德而無其號

拒乎天而違乎人雖陛下謙讓之至美抑非臣心之所安也伏

以賤志難明微誠莫達戴天彌懼覆地益慚不任懇迫屏營之

至伏願早建大號以稱天人之心謹再奉表昧死陳請以聞

為耆老等請復尊號表二首 一本無二首字

柳文卅七

京兆府長安縣耆老臣某等言一本作石靈等言石靈等皆云靈徒感切臣伏以

陛下尊號未復二十九年盛德彌光大化益被光大一本如以

休徵咸集福應具臻至於今歲紛綸充盛風雨必順生長以時

五稼盡登萬方皆捨神意入事正在於斯天不可違時不可棄

臣等誠懇誠迫頓首頓首臣聞恩深必報德盛必崇以陛下九

重之尊推崇無上以陛下四海之大報效何施唯有尊名用光

聖理闕然未復誰所敢安臣心則微天意甚重伏惟皇帝陛下

體昊穹以施化慶上帝以致誠今即千祥應期百神奉職飛走

之物皆已效靈羣木之類咸能應聖天命降於上人誠發於中

此而可罷敦有奉况復野多滯穗畝有餘糧足食之慶充溢



於京垣

垣與坻同直飢切水中可居阜財之誥歡呼於道路

非人力皆是天成神祇之望既勤遐邇之心又迫况臣等得生

邦甸幸遇盛明身體髮膚盡歸於聖育衣服飲食悉自於皇恩

被玄化而益深望鴻名而未覩墾倒之至夙夜不寧謹諸光順

門昧死請復聖神文武之號以副天地宗社之心使海內赤子

得安其所臣等不勝懇倒迫切之至

第三表

一本以此表補京兆府請復尊號第二表之闕

京兆府長安縣耆老臣石靈等言伏奉墨詔批臣所請復尊號

未蒙允許者捧對惶遽不知所裁天實命之於臣何有臣等誠

懇誠懼頓首頓首臣聞聖君以奉天為心不以執謙為心以順

人為大不以崇讓為優今陛下深拒天人之誠猶懷謙讓之道

臣等愚惑未知所歸且百祥符臻特表吳管之占倦卷占倦五穀蕃

孰用彰后土之勤億兆效歟願天請命上下交應幽明同心舉

而違之臣所未識况臣等共被仁育同臻大和陛下德達上玄

以豐人之衣食道躋壽域以延臣之歲年沐浴皇風二十餘載

兒童感化鰥寡知恩故臣等出鄉之時歡呼遍野閭里勉臣以

不進不止妻孥誓臣以不遂不歸唯竭血誠退無面目便當殞

首闕下終不徒還伏惟陛下照臣懇道之情一本作誠字哀臣羸老

之命臣等不勝嗚咽慙恨之至謹奉表陳謝以聞

禮部為文武百寮請聽政表二首

順宗時滯本件四首



臣某等言臣聞大道必體於至公大孝莫高於善繼上觀列聖  
考前王罔不俯就禮文仰承大事嚴奉宗廟慰安元元然後  
德教惟新邦家永固伏惟皇帝陛下寢苫泣血古詩兼切草也  
居喪以為覆席  
號慕無時貫于神明動于天地未臨庶政猶徇至誠凡在人臣  
孰不哀懼伏惟先聖遺旨俾陛下抑哀而聽政本朝乏人使臣  
等竭忠以奉上非敢懼死輒布懇詞期於必從以慰寰宇且王  
業至重軍國方敷一日萬機不可暫闕伏願追遵顧命蹈履成  
規恢王者華夷之望順上帝乃眷之懷臣等不勝哀迫誠懇之  
至

第二表

晏元祐本據文苑英華此表  
乃是林逢請听政第三表

八柳文卅七

七

伏奉大行皇帝知陛下至性自天恐陛下執哀過毀上惟九廟  
之重下念萬務之殷故遺詔丁寧俾遵舊典今百辟卿士顛然  
在庭瞻望清光已七日矣固陳誠請猶未允從內外憂惶莫知  
所出臣聞大孝之本繼志為難酌禮之情得中為貴是以哀迷  
期數哭泣有常俯而就之聖人所重禮記檀弓上子思曰先王  
之制禮也過之者俯而就  
之不至焉者知難繼也君子不為同上季子宰曰買  
道而葬後難繼也伏願少抑  
哀懷仰遵理命理即治也以副神祇之望以安億兆之心光祖業於  
無窮流德化於天下凡在臣子孰不悲戴

又第二表

晏元獻本按文苑英  
華此乃宗元所作

臣某等言臣聞聖凡殊塗邦家異禮故王者捨己從物用身許



天

通也

猶以事奪伏以大行皇帝

謂應宗

道成鑄鼎

等

御龍黃帝黃帝採首山銅鑄鼎荆山下昂既成有龍垂胡鬣下迎

黃帝黃帝上騎後宮

上龍者七十餘人因名其處曰

湖萬姓長號平九有顯望陛下以聰明睿聖嗣守寶圖爰及宅

憂迄茲累日而孝思罔極尚輟乃雍之言

高宗涼陰三年

不言言乃雍

庶政

未釐頗闕如絲之命臣等嘗覽載籍粗知喪紀若成周顧命歷

代猶遵西漢詔音前不所奉

詔音一本作遺詔謂漢文帝遺詔令天下以日月

我國家

以孝理天下文明應期上用此法胥以傳授蓋事歸至當則不

可不遵禮貴從宜則不得守理固然也臣等是以上陳愚懇

輕瀆宸嚴冀遂血誠俯親國政而陛下執喪逾切聽理未聞億

兆嗷嗷不知所訴臣以為天子之孝在於保安社稷司牧丞黎

功超百王慶流萬代亦何必守臣下之小節蔑皇王之大猷固

阻群情務成謙德伏願以遺詔為念奪在疚之懷就臨軒之制

天下幸甚

第二表

伏以萬機至重道旨難違再獻表章上塵旒袞精誠徒竭天意

未迴內外違違人神企望臣聞王者之孝異於匹夫禮不相公

余專切道資適變當承平之代故殷帝宅憂而不言商高宗遇有事

之時則周王未葬而誓衆武王伐紂况今戎車猶駕邊候多虞兩河

之寇盜難除百姓之瘡痍未台亂者思理危者求安天下嗷嗷

正在今日誠宜抑其至性以副群心成先帝之大功繼中興之

業

業



臣等可寢苦啜泣

苦詩廉切

庶政闕然九廟之靈何報萬方

之望荷饗臣等職參樞近誠切邦家若陛下未忍臨軒尚持前

志臣等有死而已不敢奉詔不勝哀迫懇切之至

賀踐祚表

順宗即位宗元代節鎮作此

臣某言太子中舍嚴公弼至

公弼乃山南西道節度嚴震之子

奉某月日勅書

慰諭伏承陛下以某月日虔奉典冊允昇寶位凡在群生孰不

感幸臣某誠權誠抃頓首頓首臣聞天地泰而聖人出雷雨解

而品物榮

解下臨切

是以五行迭用木火更其位十葉重光宗廟輔

其德殷宗龍蠶再開成湯之業漢文聰明克承高祖之緒陛下

重離出曜躰乾繼統王邕彰孝恭之美撫罕著神武之功欽承

遺訓

承一本作奉字

永保鴻業過密之中施雨露以被物遐邇之地觀

日月之繼明則四維之外八極之表人神胥悅草木皆春煦嫗

生成不失覆載

續云煦于句切嫗於遇切天以氣煦地以形嫗

况臣謬膺藩宇累受國

恩爰自出身洎乎領鎮沐浴聖澤優游昌時未獲覩闕庭之禮

展臣庶之分戴天賀聖倍萬恒情

禮部賀改永貞元年表

宗元為禮部郎中賀憲宗

臣某等言伏奉今日詔今月九日冊皇帝改貞元二十一年為

永貞元年自貞元二十一年八月五日昧爽以前應犯死罪特

降從流流已下遞降一等者實命方始聖曆周彰載宣臨照之

明遂施溥汗之澤臣某等誠慶誠賀頓首頓首伏以重光下



皆大公教誨也今

文王遂無憂之志中傭無憂者其唯文王乎

正名紀曆各一本表運行於萬方有過輕刑流汪濊於四海於

大化踊躍之至倍萬恒情無任蹈舞欣慶之至

禮部太上皇誥宜令皇帝即位賀表順宗傳

臣某等言伏奉今日太上皇制命陛下即皇帝位光奉寶圖不

承鴻業溥天率土慶躍難勝臣某等誠喜誠抃頓首頓首臣聞

皇建其極存諸大訓帝出于震著在易經繼明以照于四方重

熙以臨於萬國動植品彙永賴昭蘇山川鬼神咸相欣戴臣某

等獲備班列親仰聖明踊躍之誠倍萬恒情無任抃躍喜慶之

至

禮部賀立皇太子表廣陵王

臣某等言伏奉今月二十四日制廣陵郡王宜冊為皇太子改

名其仍令所司擇日備禮冊命者天序有奉皇圖載寧臣某等

誠慶誠賀頓首頓首臣聞商書載以貞之文漢史傳早建之議

顧茲守器之重爰正承華之位尊義方之教載錫嘉名崇建樹

之禮式光典命以長而立自符於慎擇必子之選遂合于至公

邦本不搖王業彌固此皆宗社垂祉啟信皇心乾坤會謀保安



足於播休氣於四海洽大和於萬靈食毛含齒所同歡慶  
臣等奉承制命蹈舞周行踊躍之誠倍百恒品無任慶抃感悅  
之至

禮部賀皇太子冊禮畢德音表

貞元二年十一月

臣某等言伏奉今日制皇太子冊禮云畢思與萬方同其惠澤  
者盛典斯舉鴻恩遂行凡在率土不勝抃躍臣某等誠喜誠賀  
願首頓首伏惟皇帝陛下克奉神休以正邦統建天下之本宗  
廟以安致萬國之貞兆人攸賴典冊既備慶澤載流既廣愛而  
推恩亦好生而布德緩刑而囹圄知感進勳而嗣續增榮崇教  
諭之方忠良是舉嚴贄襄之禮賜與有加一本旌孝悌以厚

柳文卅七

十一

於人倫敬鬼神而修其祀事况行禮之日則屏翳收蹟太陽宣  
精用彰出震之休更表重離之耀神化旁湯皇風遠揚自華及  
夷異俗同慶臣某等謬參著定倍百恒情無任懼慶踊躍之至

為王京兆皇帝即位禮畢賀表

代王權賀憲宗

臣某等言臣聞大人繼明百神所以受職天子有道萬國由是  
奉風伏以皇帝陛下續聖垂休順時御極負象而會朝夷夏  
豈踐祚而統和天人幽明感通遐邇昭泰遂使祥光下燭嘉氣  
旁通周王謝流火之符魯史愧書雲之典食毛含齒懼抃無窮  
臣某等幸覩昌時獲奉大慶踊躍之至倍萬常情無任蹈舞欣  
躍之至



代筆中丞賀元和大赦表代末刺史

臣某言伏奉正月二日制大赦天下未貞二年宜改元和元年  
太陽既昇胸膺資始濟澤斯降膏潤無遺臣某誠慶誠賀頓首  
頓首伏惟皇帝陛下仁化旁流孝理弘闡紀元示布和之令肆  
背見恤人之心曠然滌瑕得以遷善浚發大號中明舊章農有  
薄征市無彊價動勤是錄爵秩以班寵寧間於幽明澤必周於  
夷夏近甸輕摧酷之入遠人忘水旱之災既行慶於官寮亦推  
恩於天屬諸王喜蠻貊之廣庶老加絮帛之優量入所以備凶  
興廉期於變俗爰褒有容尊賢之典惟新詩周頌有容謂二王之後為容載奉  
素王宗子之道斯在記禮弓孔子曰天下孰能宗子綸言降庶政舉行懷生  
之倫感悅無量臣某等守在遐遠親奉詔祕踴躍之誠倍百恒  
品無任感恩拊舞屏營之至

禮部賀冊太上皇后賀表憲宗即位太上皇詔旨用之

臣某等言伏奉今日日詔良娣王氏冊太上皇后潘云娣音弟太子有妃有

良娣媛董氏冊太上皇德妃媛千眷切宜令所司備禮冊命者母儀

有光坤道克順陰教方行於萬國內理克和於六宮臣某等誠

慶誠賀頓首頓首伏惟皇帝陛下對若天休奉揚睿旨長秋既

登其正位長秋皇后所居此謂王后愉狄亦被於恩光愉音搖刻維飾服也禮記土人愉狄此謂

皇德如奉養見三朝之安禮記文王朝王季日三周旋有四皇之輔史記天官書後

宮四星未火星正豈獨配乾稱大助日為明所以表王倦之源史記四星後宮



無任蹈舞欣喜之至

禮部賀太上皇后冊畢賀表

永貞元年

臣某等言今日太上皇后冊禮云畢率士臣妾慶抃無窮臣  
某等誠慶誠賀頓首頓首伏以太上皇后著薦嬪之至德嗣周  
母之徽音表率六宮明彰萬國陛下克修理本以暢化源神道  
知事地之方人倫識尊親之大豈惟婦順斯備陰禮用修其以  
播正始於王風王一本致時雍於帝典臣某等謬塵榮位獲觀  
盛儀踴躍之誠倍百怕品百一本

賀皇太子代滿鎮賀廣陵王為太子

柳文卅七

十三

某言伏奉月日制書殿下祇膺茂典位副之宮

青宮東宮也神異經曰東方有

宮青石為牆高三仞間有銀滂以青石碧鏤題曰天地長男之宮

温文光三善之名禮記文王世子篇行

一物而三善皆得者唯世子而已又云恭敬而温文繼照協重离之慶萬葉固奉群方宅

心含生之徒孰不欣戴况某夙象期冀職在藩方灌莽之誠倍

萬怕品

御史臺賀嘉禾表

貞元中劉濟所進

臣某言今日日宰臣以幽州所進嘉禾圖各一軸示百寮者伏

以嘉穀順成靈貺昭格天人合應遐邇同風臣某誠懼誠慶頓

首頓首伏惟皇帝陛下睿謀廣運神化旁行植物知仁祥圖應

聖靈嶽不愆於蒼祐燕谷用遂於生成鄉衍泰谷事豐稔既均知朔



雨之被澤休嘉克叶見天地之同和六穗敷稱於漢臣如對  
書嘉穀異畝耻書於周典自中形外均慶同歡臣某謬職憲司  
獲觀休瑞無任抃躍之至

禮部賀嘉禾及芝草表 貞元中韋臯 崔宗所進

臣某等言伏見今月某日內出劔南所進嘉禾圖及陝州所進  
紫芝草示百寮者之圖煥開瑞彩交映遐邇偕至福應攸同臣  
某等誠慶誠賀頓首頓首伏惟皇帝陛下緝熙至道保合太和  
天惟發祥地不愛寶嘉禾擢管靈輦抽英獻于王庭唐叔斯同  
穎之異尚書云薦諸郊廟班史謝連葉之奇前漢武帝紀牛泉官  
生芝草九莖連葉  
既呈疑疑之祥喬云疑魚紀切故  
盛貌又魚力切更觀煌煌之秀豐年期著聖  
壽用彰歎和之人懽抃無極臣某等優游三化披翫殊姿慶并  
之誠倍百恒品

京兆府賀嘉瓜白兔連理棠樹等表 貞元中

臣某言今月日中使王自寧出徐州刺史張愔愔挹滌切張  
建封之子所

進嘉瓜圖及白兔兒一并出陳許等州觀察使上官說所進許

州連理棠樹圖示百寮者惟天眷命是降百祥惟聖欽承用膺

多福臣某誠慶誠賀頓首頓首臣伏以大和所慈至德斯應圖

物獻瑞周於遠方神瓜合形式綿表表之慶異棠連質用彰燿

燿之榮一本作况金風發祥白兔來擾告有秋之嘉應著成歲於  
神功雜遝紛綸深大合切雜  
遷聚積之貌如山斯委人盡登於壽域物咸暢



臣特感恩深恩欣逢衆瑞踴躍之至倍萬倍情

禮部賀甘露表

貞元二十一年宗元遷禮部員外郎字尚書賦表

臣某言中使王貞寧至伏奉宣聖旨出延和殿前丁香樹甘露  
一大合示宰臣未時又出一大合令明日示百寮甘露見降未  
正者玄化升聞靈貺昭答必呈尤異之應以告天地之和臣某  
誠歡誠慶頓首頓首伏惟皇帝陛下均煦育之功敷滂澍之澤  
大和潛達闕瑞克彰發於天霄特降宮樹朝光初燭方湛湛而  
不晞景景轉炎更灑也而未已綴華而珠璣積耀盈器而冰玉  
呈姿芳襲椒蘭味兼飴醴飴奇怡也然則零於庭而著異紀於平  
以標奇漢宣帝徒矜往辰孰並茲日况樹有丁香之珍殿即延和  
之號所以著芳風之遠播期聖壽於無疆事絕古今慶傳遐邇  
臣謬承渥澤獲覩殊祥抃躍之誠倍萬倍品

禮部賀白龍并青蓮花合懽蓮子黃瓜等表

一本此下注云原兆

非恐

臣某言伏見今月日內出滄洲所進白龍見圖又出西內定禮  
池中青蓮花并神龍寺前合歡蓮子示百寮二十三日又出益  
州所進合歡黃瓜圖者二氣交泰萬國同和動植恩協於殊祥  
遐邇畢陳其嘉應披圖設牒聖理彰明臣誠歡誠慶頓首頓首  
伏以天地非遠睿感必通豐瑞重祥累集宮禁池蓮表異靈化  
非常敷彼清光徵佛書而尤絕成其嘉實驗祥經而甚稀積慶



聖流自中祖外遂使龍騰白質乘秋果應於金行瓜合黃中表  
聖靈於土德遠通邊徼近出苑園合慶同歡周於億兆况復  
邦畿之內雨霽必時宿麥大穰嘉穀滋茂和風孕育秀字一本作靈  
氣陶蒸是皆發自帝心達於天意周流升降成此歲功惠彼群  
生自為嘉瑞臣某深惟多幸獲遇斯時觀靈貺之備臻知人和  
之溥洽無任慶抃躍蹈之至

禮部賀白鵲表

臣某言伏奉進旨宣示前件白鵲者霜毛皎潔玉羽鮮明色實  
殊常性惟馴狎臣聞聖王之德無所不至有感則應無幽不通  
惟伏陛下恩霑動植仁洽飛翔故得茲禽呈休效質伏以白者  
正色式表金方鵠以知來淮南子式彰冠服用符歸化之兆克耀  
太平之階臣職參禁垣獲親嘉瑞無任慶抃之至

禮部賀嘉瓜表

臣某等今日內出浙東觀察使賈全所進越州山陰縣移風鄉  
百姓王獻朝園內產嘉瓜二實同帶圖示百寮者寶祚惟新嘉  
瑞來應式彰聖德更表天心臣某等誠慶誠賀頓首頓首伏惟  
皇帝陛下保合大和緝熙庶類德馨上達神化旁行嘉瓜發祥  
來自候服質惟同帶見車書之文均地則移風知化育之方始  
雖七月而食龜土歌王業之難五色稱珍東陵詠佳實之會宗詩昔聞東陵瓜近在青門外五色耀朝日嘉實四面會未聞感通若斯昭著者也臣等



蓬聖親仰珍圖抃躍之誠倍百恒品無任慶悅之至

為王京兆賀嘉蓮表 王權

臣某言今日某時中使某奉宣聖旨出西內神龍寺前水渠內合歡蓮花圖一軸示百寮者祥圖煥開異彩交映贊天地之合德表神人以同歡臣某誠歡誠慶頓首頓首伏惟皇帝陛下道協重華慶傳種德陶陰陽之粹美孕造化之精英吉慶每見於天心發祥必自於禁掖是使雙華擢秀連蒂垂芳香激大王之風影耀天泉之水 沈納宋書文帝永嘉二十二年天泉池二蓮同幹 煥開官沼旁暎給園 謂給孤獨園指言神龍寺也 靈貺應期天龍護聖寶曆慶超於小劫神功允洽於大千臣某獲覩昇平濫君榮寵聞瑞應而稱慶仰績事

而增歡無任抃躍喜躍之至

為王京兆賀雨表 一本表下有一字

臣某言臣昨日面奉進旨以近日少雨今月內無雨即須祈禱今日便降甘雨者天且不違神必有據密雲與綸言繼發時雨將天澤並流臣某誠歡誠慶頓首頓首伏惟皇帝陛下憂切蒸黎慮深稼穡思彼未兆防於無形滲漉每出於湛恩變化必隨於廣運宸衷暫惕已矯御天之龍聖謨既宣遂洽漏泉之澤霽霽周布 霽徒或切霽徒對切霽霽雲貌 罪微四施黍稷盡成公私皆及野夫勸舞知帝力之玄通官吏歡呼見天心之默喻臣某牧人京邑仰皇靈渥澤徒加涓滴無助無任感悅屏營之至



王京兆賀雨表二

臣某言臣伏見今月二十四日特雨溥降伏以聖心積念天意  
遽廻移造化之玄功革陰陽之常數臣某誠慶誠抃頓首頓首  
皇帝陛下仁育蒼生恩同亦子自頃天雨未降時豫或愆貶食  
齋戒至誠幽達又慮宿麥無備播種失時出於宸衷特令賑貸  
前一本睿謨潛運甘雨遂周布濩垂陰隨聖澤而俱遠滂沱積  
作將字潤與恩波而共深臣某才術無聞謬司邦甸生成必資於帝力  
進退何補於天工沐浴大和敷荷無極無任慶躍屏營之至

王京兆賀雨表三

臣某言今月十三日面奉進旨緣自春來少雨宜即差官精誠

御文廿七

十八

祈禱者十四日臣便差官分赴靈跡其日雲陰四合至十五日  
甘雨遂降伏惟皇帝陛下言為神化動合天心未成旱漢之虞  
已積幽勤之慮衆靈受職會鳥且躋於南山外切百穀仰榮滂  
霈仰去声左傳百穀之仰膏雨霈穀之仰膏雨睿謨朝降膏澤夕周知天人之  
已交識陰陽之不測然則周主徒勤於方社殷帝虔義於桑林  
豈若無災而早圖禱而先應化起前聖道貴重玄編野同歡  
傾都相慶臣之欣躍億萬怕情

王京兆賀雨表四

臣某言臣於三月二十九日奉進旨於諸靈跡處祈雨至三十  
日甘雨遂降者臣聞惟聖有作先天不違發令而祥風已興



誠而玄液旋被臣某誠欣誠賀頓首頓首伏惟皇帝陛下側身  
防患道邁周王盡力勤人功超夏后聖謨廣運驅百靈以從風  
神化旁行滋五稼而流澤油雲四合膏雨溥周農壤遂一於肥  
澆立交切澆灑盡露於遐邇蒸黎詠德知必自於聖心草木欣  
與壤同榮如有感於皇化有年之慶實在於斯臣以無能謬領京邑上  
勞宸慮運此歲功無任喜懼屏營之至

賀親自祈雨有應表五想是為外州刺史作

臣某言臣得上都院官金部員外郎韓述狀報以時雨未降親  
自於龍堂祈禱有靈禽群翔自成行列如隨威鳳以翼龍舟其  
日降雨者中謝伏以時或憇陽歲之常候式當聖日無害豐年陛

人外文廿七

十九

下敦本務農憂入閔雨宸慮所至天心自通故得瑞馬迎舟掩  
商羊之舞家語齊有一足之鳥舒翼而舞孔子曰天將大雨商羊故舞仙雲覆水協從龍之

微初泛洒於上宮遂滂滂於率土自中徂外皆荷生成雨公及

私靡不碩茂殷后徒勤於自翦左氏春秋湯克夏不雨乃以身請於桑林翦其髮割其爪以為

犧周公空媿於舞雩周禮春官女巫巫歲早則舞雩臣以庸虛謬司垣翰有年

之慶惟聖之功臣某不任云

宋本校正註釋唐柳先生集卷之二十七

癸酉季春閱



天



